

## 《江南》

汉乐府

江南可采莲，  
莲叶何田田。  
鱼戏莲叶间，  
鱼戏莲叶东，  
鱼戏莲叶西，  
鱼戏莲叶南，  
鱼戏莲叶北。

## 《春晓》

唐·孟浩然

春眠不觉晓，  
处处闻啼鸟。  
夜来风雨声，  
花落知多少。

## 《小池》

宋·杨万里

泉眼无声惜细流，  
树阴照水爱晴柔。  
小荷才露尖尖角，  
早有蜻蜓立上头。

## 《梅花》

宋·王安石

白玉堂前一树梅，  
为谁零落为谁开。  
唯有春风最相惜，  
一年一度一归来。

## 《江雪》

唐·柳宗元

千山鸟飞绝，  
万径人踪灭。  
孤舟蓑笠翁，  
独钓寒江雪。

## 《村居》

清·高鼎

草长莺飞二月天，  
拂堤杨柳醉春烟。  
儿童散学归来早，  
忙趁东风放纸鸢。

## 《咏柳》

唐·贺知章

碧玉妆成一树高，  
万条垂下绿丝绦。  
不知细叶谁裁出，  
二月春风似剪刀。

## 《赋得古原草送别》

唐·白居易

离离原上草，  
一岁一枯荣。  
野火烧不尽，  
春风吹又生。  
远芳侵古道，  
晴翠接荒城。  
又送王孙去，  
萋萋满别情。

## 《晓出净慈寺送林子方》

宋·杨万里

毕竟西湖六月中，  
风光不与四时同。  
接天莲叶无穷碧，  
映日荷花别样红。